



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

2  
W 2011  
9903

Ի Տ Ը



891. 71

Ա. 57

Եօնիդ Անդրեա

Խարզ. Յ. Յակոբեան

17 JUL 2006

ԼԵՍԵՆԻ ԱՆԴՐԷՆԻ

19 NOV 1904

Քաղաքի խոհանոցային

891-71

10/iii 1904. 12882

44.

Ս Ո Ւ Տ Ը


Քաղաքի Խոհանոցային




(Հայկերանական Հտիւ-գ)



1001  
345



Թարգմանեց Յակոբ Յակոբեան.



Թ Ի Ճ Լ Ի Ս

Տպ. Կ. Թաւրթըրլաճէի, Կապալ. Ա. Մահտեսի-Յակոբեան  
Սերգէսեայա փող. № 1.

1904

12 .02. 2013

9903

Дозв. пенз. Тифлисъ, 21-го декабря 1903 года

## Ս Ո Ւ Տ Ը

### I

—Դու ստո՛ւմ ես, ես զիտեմ, դու ստում ես:

—Ինչո՞ւ ես բղաւում, մի՛թէ հարկ կայ որ ուրիշները մեզ լսեն:

Այս դէպքում էլ նա ստում էր, որովհետև իսկապէս ես չէի բղաւում, այլ խօսում էի ցածր ձայնով. նրա ձեռքը բռնած իմ ձեռքում, խօսում էի բոլորովին հանդարտ, և այդ թունաւոր «սուտ» խօսքը ֆշշում էր զլիսումս ինչպէս փոքրիկ օձուկ:

—Ես սիրում եմ քեզ, շարունակում էր նա, — և դու պարտաւոր ես հաւատալ

ինձ: Մի՞թէ իմ սէրը քեզ դեռ չի համոզել այդ բանում: Եւ նա համբուրեց ինձ: Բայց երբ ցանկացայ զրկել նրան և սեղմել թւեցի, նա արդէն անյետացած էր: Նա փախաւ կիսամութ միջանցքով, և ես նորից սկսեցի հետեւել նրան մինչև այնտեղ, ուր սկսում էր ուրախ տօնախմբութիւնը: Ես մինչև անգամ չ'գիտէի, թէ որտեղ եմ գտնւում. որտեղից իմանայի. նա ինձ ասաց, որ ես դամ այստեղ, ես էլ եկայ. եկայ ու տեսայ, թէ ինչպէս ամբողջ գիշերը պտտում են գոյգերը ու պարում: Աչ ոք չէր մտնում ինձ, ոչ ոք չէր զրուցում ինձ հետ, և ամենքին ես օտար, նստած էի անկիւնում միայնակ, նւագածուների մօտ: Ուղիղ դէպի ինձ էր ուղղած մեծ պղնձեայ երաժշտակսն բամբխողովակի բերանը և այնտեղից փակածին մէկը մռնչում էր և ամեն երկու րոպէից յետոյ անընդհատ կոպտաբար ծիծաղում՝ «խօ... խօ... խօ...» Մի-մի անգամ մօտովս անցնում էր սպիտակ նրբաբոյր շրդարչի պէս մի ամպ. այդ նա էր: Չէի հասկանում, թէ այդ ինչպէ՞ս էր նա կա-

րողանում ինձ փայլալել անցուդարձ անողներից ծածուկ, բայց մի ակնթարթում զգում էի, որ նրա ուսը սեղմւեց իմ ուսին, մի կարճ վայրկեանում, երբ նա խոնարհած էր աչքերը, տեսայ սպիտակ զգեստի բացւած քից զուրս նայող նրա սպիտակ պարսնոցը. իսկ երբ բարձրացրի աչքերս, տեսայ նրա կիսադէմքը, այնպէս սպիտակ, խտալուրջ և կանոնաւոր, ինչպէս մի հրեշտակ, որ գլուխը խոնարհած, նայում է մարդկանցից մոռացւած դամբարանին: Ես տեսայ և՛ նրա աչքերը. նոքա խոշոր էին, կեանքի կարօտ, գեղեցիկ էին և հանդիստ: Չըջապստւած կապտադօյն սպիտակոցով—նրա սև բիբերը փայլում էին, և որքան էլ նայում էի, նոքա էլի նոյն սև բիբերն էին, նոյնքան խորամիտ, նոյնքան կապոյտ և նոյնքան անթափանցելի: Մի գուցէ այնքան կարճատև նայելի ես այդ բիբերին, որ նրա սրտին իմ հայեացքը չկարողացաւ մի որևէ զգացմունք հաղորդել—այնուամենայնիւ ոչ մի անգամ կեանքումս այնքան խորը, այնպէս ուժգին և զարհուրանքով

չեմ ըմբռնել՝ լաւիտենականութեան խոր-  
հուրդը, որպէս այս անգամ: Երկիրդն ու  
սուր վիշտը արդէն ծանրացած սրտիս՝  
ինձ թւում էր, թէ իմ ամբողջ էութիւնը  
մի բարակ ճառագայթով անցաւ, հալեց  
նրա աչքերի մէջ, հալեց մինչ այն աս-  
տիճան, որ թւաց ինձ, թէ ինքս այլևս  
իմ մէջ չեմ ապրում, ինքս ինձ համար  
օտար եմ, ոչնչացած և մեռած. հէնց այն  
ժամանակ երբ ես ենթարկուած էի այդ  
գրութեան, նա պօկեց իմ հայեացքից,  
տանելով իր հետ իմ ամբողջ կեանքը և  
նորից սկսեց պարել մի ինչ որ բարձրա-  
հասակ, հպարտ և գեղեցկադէմ տղամար-  
դի հետ: Ես դիտում և տնդում էի նը-  
րան, այդ տղամարդին իր բոլոր մանրա-  
մասնութեամբ՝— նրա կօշիկների ձևը, վեր  
բարձրացրած ուսերի լայնութիւնը, մազե-  
րի համաչափ թափահարումը... իսկ նա  
լր միակերպ անուշադրութեամբ կարծես  
ինձ պատին էր սեղմում և թւում էր թէ  
ես տափակելի և մոռացելի էի շրջապատող-  
ներից այնպէս, ինչպէս այն պատը:

Երբ ճրագները սկսեցին մարել ես մօ-  
տեցայ նրան ու ասացի՝

— Ժամանակ է տուն գնալու: Ես ձեզ  
կուղեկցեմ:

Քայց նա զարմացաւ.

— Ես պիտի նրա հետ գնամ, ասաց  
նա, և ցոյց տւեց այն դեղեցիկ, բարձրա-  
հասակ մարդուն, որը մեզ չէր էլ նայում:  
Ապա ինձ տանելով մի դատարկ սենեակ,  
ոկսեց համբոյրներ տալ...

— Գու ստո՛ւմ ես— ասացի նրան ցա-  
ծրը, շատ ցածր ձայնով:

— Մենք այսօր կտեսակցւենք և դու  
պէտք է զաս ինձ մօտ անպատճառ, պա-  
տասխանեց նա:

Երբ ես կառք նստած գնում էի տուն,  
բարձր տանիքների զլիւկ նայում էր ցըր-  
տաշունչ առաւօտեան կապտագոյն երկ-  
նականաւոր. և այդ ահագին փողոցում մի-  
այն երկու հողի էինք գնում, կառապանը  
և ես: Նա նստած էր զլիւսակոր, երեսը  
թաղցրած, իսկ նրա մէջքի հետքւում  
նստած էի ես, նոյնպէս զլիւսակոր, նոյն-  
պէս երես ծածկած մինչև աչքերս: Կա-

ուպանը ունէր իր մտածմունքները, ես՝  
 իմը, իսկ այնտեղ — Հաստ պատերից դէնը  
 քնած էին հաղարաւոր մարդիկ, նրանք  
 էլ իրենց երազանքները, իրենց մտածմունք-  
 ները ունէին: Ես մտածում էի սիրելոյս  
 մասին, և այն մասին՝ որ նա ստում է:  
 Ես մտածում էի մահւան մասին և ինձ  
 թւում էր թէ այդ վաղօրդեան լուսով փայ-  
 լող պատերը արդէն տեսել են իմ մահը  
 և Հէնց այդ է պատճառը, որ կանգնած  
 են այնպէս ուղղաձիգ և այնքան զփոյն  
 սառնութեամբ: Չգիտեմ սակայն, ինչ էր  
 մտածում կառապանը: Չգիտեմ, ինչի մա-  
 սին էին ցնորում ու մտածում պատերի  
 յետքև թագնւած մարդիկ. բայց, դէ, չէ՞  
 որ նրանք էլ չգիտէին ինչի մասին եմ  
 ցնորում ու մտածում ես ինքս:

Եւ այդպէս մենք սլանում էինք եր-  
 կար և ուղիղ փողոցներով, իսկ առաւօ-  
 տը հետզհետէ բարձրանում էր կտուրների  
 գլխից և այն ամենը որ շրջապատում էր  
 մեզ, չուռ էր, անշարժ և միակերպ սպի-  
 տակ: Անուշաքօյր սառած ամպը նորից մօ-  
 տենում էր ինձ և կարծես մէկը ուղղակի

ականջիս մէջ ծիծաղում էր մի ինչ որ  
 խեղդւած ձայնով՝ «խօ... խօ... խօ...»

II

Նա խափեց ինձ: Նա չեկաւ և ես  
 իզուր սպասում էի նրան: Մոխրագոյն,  
 միակերպ սառած կիսախաւարը իջնում էր  
 մթին երկնակամարից և ես չիմացայ ան-  
 գամ՝ երբ վերջալոյսը փոխեց երեկոյլ, իսկ  
 երեկոն ղիշերի, և թւում էր, որ այս ամենը  
 լոկ մի երկար ղիշերի է նման: Նոյն միա-  
 նման, համաչափ քայլերով անհամբեր և  
 երկար սպասողի դրութեան մէջ — ես անց-  
 նում էի յետ ու առաջ: Ես չէի մօտենում  
 ո՛չ այն բարձր տան, ուր ապրում էր իմ  
 սիրելին և ո՛չ նրա բնակարանի ապակեայ  
 դրանը, որը սպասպարած էր դեղին եր-  
 կաթէ հովանոցով, այլ Հէնց մի զլուխ  
 նոյն միատեսակ, համաչափ քայլերով ան-  
 ցուղարձ էի անում հակառակ ուղղու-  
 թեամբ. յետ ու առաջ, յետ ու առաջ: Երբ

ես քայլում էի առաջ, այդ ժամանակ աչքըս չէի հեռացնում նրա ապակեայ դռնից, իսկ յետ քայլելուց մի մի անգամ կանգ էի առնում, յետ էի նայում և այդ ժամանակ սուր ասեղի պէս ձիւնը ծակծկում էր երեսս, և այդ սուր ու սսուր ասեղները այնքան երկար էին, որ թափանցելով սրտիս խորքերը, ծակծկում էին նրբան, պատճառելով ինձ տխրութեան հետ միասին և զայրոյթ ապարդիւն սպասելուս համար: Առսաճաճանչ հիւսիսից դէպի մութ հարաւը ազատ սլանում էր սառը քամին, սուլելով, խաղում էր սառցապատ կուրներնի հետ, և պոկելով բարձրութիւնից, կտրում էր երեսս սուր ու մանր ձիւնահատիկներով, զարկում էր դատարկ լապտերներն ապակիներին, ուր միայնակ, ցրտից դողողաչիս լամպարի դեղին բոցը հետզհետէ նւաղում, հեծկտում էր — և իմ խեղճն էր դայիս այդ մենաւոր բոցը, որը ապրում էր միայն զիշերը, և մտածում էի ես, որ ահա այս բոցէին, երբ ես կը հեռանամ այստեղից, նրա ամբողջ կեանքը կհալւի հէնց այս փողոցում, և միայն

ձիւնի հատիկները կսլանան դատարկ տարածութեան մէջ, իսկ դեղին բոցը դողդողալով կամաց-կամաց կհալւի մենակութեան և ցրտի մէջ, մինչև որ բոլորովին կմարի:

Ես սպասում էի նրան և նա չէր գալիս:

Ինձ թւում էր, որ այն միայնակ լամպարի բոցը և ես շատ նման էինք միմեանց, այն զանազանութեամբ միայն, որ իմ լապտերը դիմացինիս պէս դատարկ չէր: Այն տարածութեան վրայ, որը ես չափչփում էի իմ անվերջ քայլելով, մէկմէկ մարդիկ էին երևում: Նոքա լուռ ու մունջ յանկարծ լոյս էին ընկնում իմ լետքեւում, շարժում, երբեւում էին, անցնում կողքովս ու յանկարծ անլետանում բարձր սպիտակ տան անկիւնի սուր ծայրում, ինչպէս ուրաւկաններ: Նորից դուրս էին գալիս անկիւնի յետքեւից, մօտենում, հաւասարում էին ինձ հետ և դանդաղօրէն կրկին հալւում, կորչում մօռալ տարածութեան մէջ, որ ծածկւած էր աղմուկ չհանող, շարժուն, փափուկ ձիւնով: Փա-



Թաթևած տձև, լռակեաց այդ մարդիկ նման էին միմեանց: Նոքա նման էին և՛ ինձ. և թւում էր, որ մի քանի տասնեակ մարդիկ քայլում են յետ ու առաջ, ինչպէս ես, որ նոքա ևս սպասում հն, սառսուում են ցրտից, բայց յամառութեամբ լռում են, ինչպէս ես, թւում էր, որ նոքա էլ մտածում են մի ինչ որ իրենց անհասկանալի տխուր բանի վրայ:

Ես նրան սպասում էի և նա չէր գալիս:

Չգիտեմ, ինչո՞ւ ես չէի աղաղակում, ինչո՞ւ ես չէի արտասուում սրտիս կսկիծից: Չհասկացայ անգամ թէ ինչո՞ւ ես ծիծաղեցի, ինչո՞ւ ուրախացայ և մատներս այնպէս սեղմեցի, որ ասես թէ նոքա չանգեր լինէին և թւաց ինձ, որ այդ մատներով բռնած ունեմ այն փոքրիկ և թունաւոր բանը— սուտը,— որը ֆշշում է ինչպէս օձուկ: Ահա նա դալարեց իմ ձեռքերում և սկսեց խալթել սիրտս և նրա թոցնից գրւիս սկսեց շշմել, պտտուել: Ամենը ուրեմն սո՛ւտ էր: Մի վայրկեսուում անհետացաւ այն մօտիկութեան սահմանը, որ

տարածւած էր ապագայի և ներկայի մէջ, ներկայի և անցեալի մէջ: Անհետացաւ այն ժամանակի մերձաւորութիւնը, երբ ես դեռ չէի ապրում, և այն ժամանակի, երբ ես սկսել էի ապրել, և ինձ թւում էր, որ ես ապրել եմ յաւիտեան, կամ չեմ ապրել երբէք: Եւ միշտ, երբ ես չէի ապրած, կամ երբ դեռ նոր էի սկսել ապրել, նա միշտ տիրապետում էր իմ սրտին և ինձ տարօրինակ էր թւում այն, որ նա ունի անուն և մարմին, անհասկանալի էր ինձ համար այն, որ նրա էութեան մէջ գոյութիւն ունի սկիզբ և վախճան: Նա անուն չունէր, բայց նա միշտ այն էր, որը ստում է, այն էր, որը յաւիտեան ըստաւել է տալիս— բայց դարձեալ չի գալիս: Եւ չգիտեմ ինչու, բայց ես ծիծաղում էի և ձիւնեայ ասեղները ցցում էին սրտիս մէջ, իսկ ականջումս ուղղակի ծիծաղում էր այն խեղուած ձայնը՝ «խօ՛... խօ՛... խօ՛...»

Աչքերս վեր չառելով, ես տեսայ լուսաւորւած բարձր տան պատուհանները և

Նրանք իրենց կապոյտ ու կարմիր լեզուով ինձ կամացուկ ասում էին՝

— Նա քեզ խաբէ՛ց: Այս բոլկէին, երբ դու միայնակ թափառում ես, սպասում և տանջում ես, նա աւելի դեղեցկացած, աւելի հմայիչ դարձած, նա, այդ ստախօսը, գտնուում է այստեղ և ականջ է դնում այն ամենին, ինչ որ շշնջում է բարձրահասակ և դեղեցկադէմ տղամարդը, այն տղամարդը, որը ասում է քեզ: Եթէ դու ներս սլանաս և այս բոլկէիս սպանես նրան, դու մի շատ լաւ գործ կրլինես կատարած, ինչու որ այդպիսով դու սպանած կլինէիր սուտը:

Ես ամուր սեղմեցի բռունցքս, որով բռնած էի դանակը և դառն հեղնանքով պատասխանեցի.

— Այո, ես նրան կսպանեմ:

Սակայն պատուհանները նայում էին ինձ տխրութեամբ և աւելացնում էին՝

— Բայց դու երբէք նրան չես սպանիլ. երբէք. որովհետև այն դէնքը, որ այժմ բռնած ես ձեռքումդ նոյնպիսի սրտութիւն է, որպէս և նրա համբոյրները:

Վաղուց արդէն չքացել էին սպասողների համր սուերները և սառը տարածութեան մէջ մնացել էի մենակ ես, մէկ էլ ցրտից և յուսահատութիւնից դողդողացող մենաւոր կրակի լեզուները: Ոչ այնքան հեռու եկեղեցոյ զանգակատան բարձրութիւնից չանկարծ սկսեց հնչել ժամացոյցի զանգը. նրա տխրութիւն ազդող մետաղեայ հնչիւնը դողդողում, լացում էր, արձագանք տալով հեռաւոր տարածութեան մէջ, և վերջը մարում անթիւ, անհեթեթ պըտոյտներ գործող ձիւնեայ քուլաների մէջ: Ես սկսեցի համարել ժամացոյցի զարկերը և... ծիծաղեցի: Ժամացոյցի զանգը զարկեց տասնըհինգ: Զանգակատան խարխուլ ժամացոյցն էլ իրեն պէս հին էր, և թէև սլաքը ժամանակը ուղիղ էր ցոյց տալիս, այնուամենայնիւ զարկերը շարունակուում էին անընդհատ, անհաշիւ, երբեմն էլ այնքան շատ, որ ծերուկ ժամկոչը ստիպւած էր լինում բարձրանալ զանգակատան դրմբէթը և ձեռքով բռնելով, կանգնացնել դողդոջուն ու տենդոտ զարկ տուող լեզակը: Ո՛ւմ համար էին ստում այդ դողդո-

ջուն, դառամեալ, տխուր հնչիւնները, որոնք այնպէս խեղտած ու ճնշած էին խաւար սառնամանիքից: Որքան խղճալի, որքան անմիտ էր այդ ոչոքին չըհարկաւոր սուտը:

Եւ ժամացոյցի վերջին սուտ զարկի հետ միասին շրջիկաց ապա'իեալ դուռը և նրա սանդուղքներով իջաւ մի ինչ որ բարձրահասակ մարդ: Ես թէև նրա միայն մէջքը տեսայ, բայց և այնպէս ճանաչեցի այդ մէջքի տիրոջը, որովհետև հէնց երեկ էի տեսել նրան. նրան, այդ ատելի գոռողին: Ես ճանաչեցի նրա քայլաւածքը. այդ քայլաւածքը աւելի թեթև, աւելի ինքնագոհ և աւելի ինքնավստահ էր, քանց երէկ. ճիշտ այդպէս, ես էլ քանիցս հեռացել եմ այդ դռնից: Այդպէս են քայլում այն մարդիկ, որոնք քիչ առաջ համբոյրներ են լինում ստացած կանացի ստախօս շրթունքներից:

III



1001  
345

Ատամներս կրճտացնելով ես սպառնում էի նրան, ես պահանջում էի՝

— Ասա՛ ինձ ճշմարտութիւնը:

Եւ ձիւնի պէս սառած դէմքով վեր քաշած յօնքերով, որոնց տակ առաջայ պէս անբացատրելի կերպով փայլում էին անհասկանալի սև բերբեր. նա զարմացած հարցրեց՝

— Բայց մի՞թէ ես քեզ խափում եմ:

Նա դիտէր, որ ես չեմ կարող ապացուցանել, որ ինքը խափում է, դիտէր որ իմ գաղտնիքն իմանալու բոլոր ջանքերը կարող էին միանգամից փշուրել, եթէ նա էլի մի աւել խօսք ասէր—նորից մի «սուտ» խօսք: Եւ ես սպասում էի այդ խօսքին և այդ խօսքն էլ դուրս թռաւ նրա շրթթունքներից. այդ խօսքը, որ դրսից փայլում էր իր մակերևոյթային զեղեցկութեամբ որպէս ճշմարտութիւն, իսկ ներսից որ իր խնդութեան մէջ բովանդակում

էր ինչ որ կասկածելի մթութիւն—Հետեւեալն էր՝

— Ես քեզ սիրում եմ: Չէ որ ես քեզ եմ պատկանում միայն:

Մենք քաղաքից մի շատ հեռու տան մէջ էինք գտնուում, և նրա մթին պատուհանները նայում էին ձիւնապատ դաշտին: Խաւարը պատել էր դաշտը. թանձրը, անշարժ, համր խաւար. սակայն ձիւնապատ դաշտը դարձեալ փայլում էր իր խորհրդաւոր լոյսով, ճիշտ այնպէս, ինչպէս մեռեալի դէմքը մթութեան մէջ: Մեծ, սաստիկ տաքացրած սենեակի մէջ վառուում էր միայն մոմը և նրա կարմիր շառաւիղի ցոլքը ընկել էր դռնատ, մեռած դաշտի վրայ:

— Որքան էլ ճշմարտութեան իմանայր դառն լինի, այնուամենայնիւ ես ուզում եմ նրան իմանալ: Կարելի է, որ նոյն իսկ մեռնեմ էլ, հէնց որ իմանամ, բայց մահը գերադասելի է, քան ճշմարտութեան չիմանալը: Զգում եմ, որ քո համբոյրների և զրկախառնութեան մէջ թազնւած է սուտը. քո աչքերի մէջ տեսնում եմ նը-

րան: Ասո՛ւ ուրեմն ինձ ճշմարտութիւնը և ես միանգամայն կհեռանամ քեզնից—ազաղակում էի ես: Քայց նա լուռ էր, և նրա ցուրտ, բայց նուրբ դիտող հայեացքը թափանցելով ներսս, շուռ տուեց հոգիս, որովհետէ տարօրինակ, կասկածելի հետաքրքրութեամբ զննում էր ինձ: Եւ այդ ժամանակ միայն ես ուժգին գոռացի.

— Կամ պատասխանիր, կամ ես քեզ կսպանեմ:

— Սպանի՛ր, առանց վրդովմունքի պատասխանեց նա: Երբեմն կեանքը այնքան տաղտկալի է դառնում... բայց միթէ սպառնանքով կարելի է ճշմարտութեան հասնել: Եւ այդ ժամանակ ես չոքեցի նրա ոտների տակ: Սեղմելով նրա ձեռքերը արտասուքն աչքերիս ես աղերսում էի խրնայել ինձ և ճշմարտութիւնը ասել:

— Խե՛ե՛ղճ, փաղաքշում էր նա ինձ ու ձեռքով շոյում մազերս— խե՛ղճ:

— Խղճահարւելի ուրեմն, աղերսում էի նորից: Ես այնպէ՛ս ցանկանում եմ ճշմարտութիւնը իմանալու: Եւ ես նայում էի նրա մաքուր ճակատին և մտածում, որ

ահա ճշմարտութիւնը այնտեղ է, այն բարակ խոչնդոտի տակ և կատաղաբար կամենում էի պոկել նրա դանդը, որպէս զի տեսնէի ճշմարտութիւնը: Ահա այնտեղ, այն սպիտակ կրճքի տակ բաբախում է նրա սիրտը, և ես խելագարի պէս կամենում էի պատառոտել նրա կուրճքը, գոնէ մի անգամ տեսնելու մարդկային մերկացած սիրտը: Եւ համբուրթեամբ, դանդաղորէն տեղին էր տալիս կիսավառ մոմի սուր կրակը և հետզհետէ մարելով, կարծես պատերը բաժանում միմեանցից: Եւ այդ ժամանակ սրտիս տիրեց այնպիսի մի թախծալի մենակութիւն, այնպիսի մի սոսկալի մեռելային տխրութիւն և անձկութիւն, որ կարծես ահա ահա պիտի խեղտուէմ:

— Խեղճ, կրկնում էր նա, խեղճ:

Սառսըռելով և տատանելով ընկաւ մոմի դեղին կրակը, կապտեց և ապա բուրբուրովին հանգաւ. — խաւարը շրջապատեց մեզ: Ես չտեսայ ոչ նրա երեսը և ոչ նրա աչքերը. գրկել էր գլուխս և ես այլ ևս չէի զգում ստի ներկայութիւնը: Աչքերս

խփելով, ես չէի մտածում, չէի ապրում, ես միայն ծծում էի նրա մերձաւորութեան քաղցրութիւնը, զգում էի նրա ձեռքերի շփումը և ինձ թւում էր, որ այդ ամենը անկեղծ է, ճշմարիտ է:

Եւ մթութեան մէջ մեղմ լուում էր նրա դողդոջուն և անվստահ շշուկը՝

— Գրկիր ինձ, ես սարսափում եմ:

Եւ նորից տիրում էր լուութիւնը ու նորից լուում նրա մեղմ դողդոջուն շշուկը:

— Գու կամենում ես իմանալ ճշմարտութիւնը — բայց ինչպէս, քանի որ ինքս անգամ չգիտեմ նրան: Եւ միթէ ես ինքուր չեմ ցանկանում զիտենալ նրան. օ, ինչպէս սարսափելի է, պաշտպանիր ինձ... Սարսափելի է:

Ես բացի աչքերս. սենեակի դժգոյն խաւարը վախվխելով փախչում էր բարձր պատուհանների մօտից և քաշում պատերին, թաղնում սենեակի անկիւններում, իսկ պատուհանների շրջանակի միջից լուռ նայում էր մեզ մի լնչ որ մեծ, կիսամեռ լոյս: Թւում էր թէ, մի որևէ մեռածի

խաւար աչքերն են մեզ փնտռում որ փաթաթեն մեզ իրենց ցուրտ թւերի մէջ: Պողով բռնաւձ՝ մենք էլ աւելի ամուր սեղմոււմ էինք միմեանց կրճ.քին, ուր նա շարունակ կրկնում էր շշնջալով՝

—Օ՛, որքան սարսափելի է:

#### IV

Ես նրան սպանեցի: Ես սպանեցի նրան և երբ նրա մարմինը թուլացած ու տափակ մասսայի պէս ընկած էր այն պատուհանի մօտ, որի յետքւում սպիտակին էր տալիս մեռած դաշտը, ես ոտս դնելով նրա դիակի վրայ, կանգնեցի և բարձրաձայն ծիծաղեցի: Այդ խելագարի ծիծաղ չէր, օ, ո՛չ: Ես ծիծաղեցի նրա համար, որ այդ ժամին կուրծքս շնչում էր, հաւասար և թեթև, նրա համար, որ կրճ.քիս ասկ տիրում էր ուրախութիւն, ամայութիւն և անդորրութիւն, մի խօսքով սրտիցս պոկւել, ընկել էր այն ճի-

ճուն, որը կրծսւմ էր նրան: Եւ խոնարհելով գլուխս, նայեցի նրա մեռած աչքերին. խոշոր, կեանքի ձգտող այդ աչքերը մնացել էին բաց, սառած, ճիշտ այնպէս, ինչպէս մօմէ տիկնիկի աչքերը—նոյնքան կոյր, նոյնքան մարած, կասես սառած լինէին բարակ սառցային թաղանթով: Ես մինչև անգամ կարողանում էի նրանց շօշափել մատներովս, բաց ու խուփ անել և այդ բանից ես չէի սարսափում, որովհետև այն սև, անթափանցելի բիբերի մէջ այլևս չէր ապրում այն ստի և կտակածի գեւը, որը այնքան երկար, այնքան ազա-հաբար ծծում էր իմ արիւնը:

Երբ ինձ ձերբակալեցին, ես սկսեցի ծիծաղել. և ինձ ձերբակալողներին իմ ծիծաղը չափազանց սոսկալի և վայրենի ելեաց: Մի քանիսը նողկանքով երեսները ինձնից շուռ տւին և քաշւեցին մի կողմ: Միւսները սպառնական ձևով ու կշտամբանքով ուղղակի վրաս եկան, բայց երբ ես նրանց աչքերի մէջ նայեցի ուրախ և պայծառ հայեացքով, նրանց երեսը իսկույն

սպրտնեց և մնացին տեղն ու տեղը քարացած՝ կանդնած:

— Խելազարւած է, — ասացին նրանք և ինձ թւաց, թէ այդ խօսքը նրանց մը խիթարում է, որովհետև այդ խօսքն էր որ նրանց օգնեց հանելուկը ըմբռնելու — այն է՝ որպէս սիրահար ես կարող էի ըստպանել իմ սիրելուն և ծիծաղել: Եւ միայն մի հաստաբուն, կարմրաթուշ և ուրախ մարդ ինձ անւանեց ուրիշ խօսքով, և այդ խօսքը այնպէս հարւածեց ինձ, որ աչքերիս առաջ լոյսը մթնեց:

— Խեղճ մարդ. ասաց նա կարեկցութեամբ և առանց զայրոյթի. ասում եմ առանց զայրոյթի, որովհետև նա հաստակազմ և ուրախ մարդ էր:

— Խեղճ:

— Հարկաւոր չէ, գոռացի ես. հարկաւոր չէ ինձ այդպէս անւանել:

Եւ չգիտեմ ինչու ես յարձակեցի: Ղէպի նա: Ի հարկէ ես չէի ուզում նրան սպանել և ոչ ձեռք բարձրացնել անգամ, բայց այն բոլոր միւս ահաբեկւած մարդիկ, կարծելով թէ ես իսկապէս խելազար եմ

և չարագործ, էլ աւելի շատ վախեցան և սկսեցին այնպէս հարայհրոց բարձրացնել, որ նորից ծիծաղոս եկաւ:

Երբ ինձ դուրս հանեցին սենեակից, ուր ընկած էր դիակը, ես նայելով այն ուրախ և հաստակազմ մարդու վրայ, բարձր և համոզւած տօնով կրկնում էի՝ —

— Ես բաղդաւոր եմ, այո՛, ես բաղդաւոր եմ: Եւ այդ էր ահա զուտ ճշմարտութիւնը:

V

Մանկութեանս օրերում միանգամ դադանոցում ես տեսել էի յովազին, որը սաստիկ ազդեց իմ երեւակալութեան վրայ և երկար մտատանջութեան ենթարկեց ինձ: Նա նման չէր այն միւս գաղաններին, որոնք ապուշի պէս կամ ննջում էին, կամ կատաղաբաշ նայում այցելուներին. մի անկիւնից միւս անկիւն, միւսնայն ուղիղ զրծով, թւաբանական ճշտութեամբ քայլում

էր նա, ամեն անգամ շուռ գալով միևնոյն տեղում, ամեն անգամ իր ոսկէպոյտ կողքով քսելով մետաղեայ վանդակի միևնոյն ձողակին: Նրա զիշատիչ, սուր զբլուխը միշտ գետնին էր նայում, նրա աչքերը միշտ իր առաջ էին սևեռած և երբէք ոչ մի անգամ ոչ մի կողմ չէին դառնում: Նրա վանդակի առաջ ամբողջ օրերով խմբւում էր ամբոխը, խօսում էր, աղմկում, բայց նա միշտ քայլում էր և ոչ մի անգամ նրա աչքերը իրեն նայողներին չէին ուղղում: Եւ ամբոխից շատերը հեղնում էին նրան. մեծամասնութիւնը լրջութեամբ և մտահոգ կերպով էր նայում այդ ծանր, անելանելի մտախոհութեան կենդանի պատկերին և հառաչելով հեռանում էր, իսկ հեռանալուց մի վերջին անգամ ևս նրանք տարակուսւած, լարած ուշադրութեամբ լետ էին նայում, դիտում և հառաչում, կարծես թէ իրենց՝ ազատ մարդկանց և այդ դժբաղդ, գերի ընկած դազանի վիճակի մէջ կար մի ինչ որ նրմանութիւն: Եւ երբ լետադայում ինձ, հասակս առածիս հետ, զրքերը և մարդիկ

սկսեցին խօսալ յաւիտենականութեան մասին, ես չէիցի այն յովազին և ինձ թւաց թէ ես արդէն ճանաչում եմ յաւիտենականութիւնը իր չարչարանքներով հանդերձ:

Եւ ես իմ քարեայ վանդակի մէջ փակւած բանտում նման էի այդ յովազին: Վանդակիս մէջ ես քայլում էի մի որոշ ուղղութեամբ շեղ գծով, անկիւնից անկիւն և նոյն կարճ գծով ինձ հետ քարշ էին դալիս իմ մտքերը, այնքան ծանր, որ կարծես ոչ թէ գլուխս, այլ ամբողջ աշխարհագունդն եմ կրււմ ուսերիս. միայն մի խօսքից էր կազմւած այդ մտատանջութիւնը, բայց ի՛նչպիսի մեծ, ի՛նչպիսի տանջող, ի՛նչպիսի չարագուշակ խօսք էր այդ. — «սուտ» — այդպէս էր կոչւում նա: Ու էլի նորից Ֆշշացնելով, սողալով դուրս ընկաւ նա բանտիս բոլոր անկիւններից և փաթաթւեց վզովս, բայց նա այլևս առաջւայ փոքրիկ օձուկը չէր, այլ մեծացել, տարածւել ու փոխւել էր կատաղի օձի: Եւ խայթում էր, և՛ խեղտում էր ինձ իր երկաթէ օղակներով. և երբ ես սկսեցի



կսկիծից բղաւել՝ իմ բացւած բերանից դուրս էր թռչում նոյն զգւելի, սուլող, օձային հնչիւնը—սուտը, որը նման անթիւ սողուններին, ֆշշում էր կրծքիս տակ:

Եւ ես քալում ու մտածում էի և իմ աչքիս առաջ մոխրագոյն, հարթ, ասֆալտեայ յատակը փոխւում էր գորշագոյն թափանցիկ վիհի: Անուհետեւ թւում էր թէ ոտներս գետնին չեն կպչում, այլ ես սլանում եմ անսահման բարձրութեան՝ մշուշի ու խաւարի մէջ: Եւ երբ կուրծքս յափշտակւած էր սուլող օդի հեծեծանքով, այնտեղ ինձնից ցածր, այն նօսր, բայց և անթափանցիկ շղարշի տակ դանդաղօրէն հնչում էր սարսափելի արձագանքը իմ հառաչանքի, այնքան դանդաղօրէն, խուլ ձայնով, որ կարծես թէ այդ ձայնը անցած լինի հողարաւոր տարիներին միջով և որը ամեն մի վայրկեանում և ամեն մի մշուշի մասնիկում կորցնում էր իր ոյժը: Ես հասկանում էի որ այնտեղ ցածրում նա սուլում էր ինչպէս սուր քամի, որ կտրում է ծառեր, բայց իմ ականջում

նա հնչում էր մի այլ չարագուշակ շրշուկով՝

— Սնտ:

Այդ զգւելի շշուկը ինձ հասցնում էր ծայրահեղ զայրույթի և այդ բոպէին ոտքս կատաղաբար զարկում էի ասֆալտէ քարին և բղաւում՝

— Սուտը էլ գոյութիւն չունի. ես ըստանեցի ստին: Եւ դիտմամբ քաշեցի մի կողմ, լաւ իմանալով, որ արձագանքը ինձ կըպատասխանի. և իրաւ, նա ինձ պատասխանեց ծանր, դանդաղօրէն, կարծես անհուն խորութիւնից՝

— Սուտ է:

Բանը, ինչպէս տեսնում էք, այն էր, որ ես չարաչար սխալւած էի. կինարմատին մեռցրի, իսկ ստին անմահացրի: Ո՛չ, միք սպանիլ կանանց, Ֆինչև որ աղերսանքով է, տանջանքով է, թէ կրակով, դուրս չքաշէք նրանց սրտից ճշմարտութիւնը: Այդպէս էի մտածում ես և այդպէս էլ մտածելով քալում էի վանդակիս մէջ շեղ գծով մի հակառակ անկիւնից միւս անկիւն:

VI

Մռայլ ու սարսափելի է այն տեղը,  
ուր նա իր հետ տարաւ և՛ ճշմարտութիւ-  
նը և՛ սուտը—ես էլ իհարկէ նրա հետե-  
ւից կը գնամ, կը հասնեմ նրան սատանայի  
զահլի մօտ, ծնկաչոք կը լացեմ, կաղաչեմ՝

—Անա ինձ ճշմարտութիւնը:

Բայց Աստուծ իմ, չէ՞ որ այդ ևս  
սուտ է: Այնտեղ տիրում է խաւարը, դա-  
րերի և յաւիտենականութեան ոչնչութիւ-  
նը: Այնտեղ և ամենուրէք նա, ճշմարտու-  
թիւնը գոյութիւն չունի. բայց սուտը ապ-  
րում է. նա անմահ է: Ես նրան տեսնում  
եմ օդի ամեն մի հիւլէի մէջ, և երբ ես  
շունչ եմ քաշում, նա օձի պէս ֆշշալով  
սողում է: դէպի կուրծքս և յօշոտում է  
նրան ու պատառոտում սիրտս:

Օ՛, որպիսի լիմարութիւն է ազամ-  
որդի լինել և ճշմարտութիւնը փնտռել.  
Ի՛նչ անտանելի ցաւ է:

—Օգնեցէք ինձ, փրկեցէք ինձ...



<< Ազգային գրադարան



NL0311292

Հոյս են տեսել

Յ. ՅԱԿՈՅԱՆԻ

1. Քանասեղծութիւններ (սակաւարիւ) 30 կ.
2. Աղա Նեգրի (մի քանի օրինակ) . 30 կ.
3. Սուր. Լ. Անդրեէի . . . . . 7 կ.

Գինն է 7 կոպ.

Շուսով լոյս կրեստի  
ԱԴԱ ՆԵԳՐԻԻ Ք. սրահը